

28  
Q. B. V.  
DISSERTATIO ACADEMICA,  
**HISTORIÆ**  
**REGIÆ ACADEMIÆ**  
**ABOENSIS**  
PARTEM SEXTAM EXPOSITURA,

---

QUAM,

*Annunte Ampl. quod ad Auram viget, COLLEG. Philos.*

NEC NON

PRÆSIDENTE

MAG. **JOHANN E**  
**BILMARK,**

HISTOR. AC PHILOS. PRACT. PROFESSORE ORDIN.

*Defendet*

**JOHANNES HENR. KELLGREN,**

WESTRO-GOTHUS,

In AUDITORIO SUPERIORI die XI Decembris,  
Anni MDCCLXXI.

H. A. M. S.

---

ABOÆ

Typis JOHANNIS CHRISTOPHORI FRENCKELL.

Äkte Fru-Profinnan,  
Wålborna

Fru CHRISTINA ELISABETH  
KELLGREN,  
Född  
AMINOFF,

Min Huldesta Moder!

Jon intet, Min Huldesta Moder, at då jag sänder Eder  
dessa Pappersblad, som I hwärfken kunnen läsa eller för-  
stå, min täncka wore nog orimelig, at willa tilbuda dem så-  
som någon slags ersättning för den möda och kostnad, som  
den bästa af Mödrar användt på min upfostran!

Ej heller är det, til at därjämte göra en tilbörlig skildring  
af Eder kärlek, Eder ömhet, Edra wälgärningar, som jag är-  
nat gifwa Eder dem: Dessa äro oändelige; de erkänna inga  
gränser, och det är nog, för at göra allt papper i werlden o-  
tillräckeligt til et så wackert ändamål.

Men, Min Mor, om I willen finna igen Eder sielf, och  
Edra sörenster mot mig; så sören dem på et annat sätt! sören  
dem i mitt hjerta! Det är där, som I skolen finna dem tryck-  
ta med en siel, som ingen ewighet kan utplåna: det är där,  
som min tacksamhet uprest Eder Altaren, hwiilka skola brinna,  
då lifwet stöcknar.

Detta är äfwen den enda och rätta ersättning, som jag  
nu och altid kan gifwa Eder, och i affeende på hwilken I tor-  
den finna detta medföllande lilla Academiska Vårdoms Försök  
ej aldeles owärdigt, at hos Eder widare omtänka annåla

Min Huldesta Moders

Utralydigste Son  
JOHAN H. KELLGREN.



DE ILLUSTRISSIMIS ACADEMIÆ ABOËNSIS  
CANCELLARIIS, INTRA PRIMUM AB  
INSTAURATIONE SÆCULUM.

**P**ost DEUM optimum maximum, omnis felicitatis Auctorem & Promotorem Summum, post REGES Patriæ Augustissimos, qui salute civium nihil in his terris habuerunt carius, Academia nostra Beneficentissimis Suis debet Cancellariis, quod studia Litterarum eximium in modum apud nos floruerint, & etjamnum floreat. Historiam igitur Regiæ Academiæ Aboënsis consignantes, in justam incurreremus cenсурam, nisi tot Mæcenatum vitas exponeremus, & ad immortalitatem revocarem Heroas, quorum auspiciis Academia floris sui perennitatem acceptam refert. Heic autem summa tantum vestigia sequemur, & natales atque gradus honorum, per quos ad supremum culmen adscenderunt hi Musagetæ, veluti per transennam ostendemus, aliis, quibus majus est otium, id negotii concedentes, ut feram doceant posteritatem, quibus meritis ad summum honoris apicem sibi successive aditum paraverint. Fuerunt igitur sequentes, intra dictum Sæculum, Academiæ Aboënsis Cancellarii:

**I:O PETRUS BRAHE**, Comes in Vingsborg, Liber Baro in Cajana, Dominus in Rydholm, Lindholmen, Brahelina & Borgefund, natus die 18 Februar. 1602, in prædio Ridholm, Patre Senatore Regni &c, D:no Comite **ABRAHAMO BRAHE**, & Ma-

ere ELISABETHA GYLLENSTJERNA. Postquam tam in Upsaliensi, quam in multis extraneis Academiis inter Eruditos inclaruisset, An. 1626 Cubicularius Regis GUSTAVI ADOLPHI factus, annis sequentibus magnum hunc Heroa in expeditiones Germanicas comitabatur, & ancipitis periculi, in quod Rex sapius incidit, indivulsus erat focus. Quare An. 1628 Chiliarcha Legionis Equestris Smolandia constitutus, eodem anno grave, sed felix, cum Polonis habuit praelium. Annis 1629 & 1630 Comitiorum Regni MARESCHALLUS & Ordinis Equestris ORATOR fuit electus, cui muneri tanta prudentia & dexterritate praefuit, ut An. 1630 Senator Regni nec non Legifer Westmannia, Montanorum & Dalecarlia, quin & paullo post Adfessor Supremi Dicasterii Regii fuerit nuncupatus. Post obitum Regis GUSTAVI ADOLPHI ad Ordines Germanicos, ut Legatus Regni Svethia Plenipotentarius An. 1634 fuit missus, ipsique id negotii datum, ut Regni Cancellarium & Foederis Evangelici Directorem AXELIUM OXENSTJERNA sublevaret, qui mox eo rem perduxit, ut induciae 26 annorum, suis sub auspiciis, An. 1635 pactae fuerint. An. 1637 Generalis Gubernator Finlandiae constituitur, & quamvis An. 1640 in Svethiam revocaretur, spatio tamen trium annorum, quibus tunc Finlandiae praefuit, tot insignibus meritis Magnum hunc Ducatum sibi devinxit, quot fidem fere omnem exsperant. An. 1641 per sortilegium factus est Regni Svethia Drotzetus atque Praefes Dicasterii Regii Holmensis. An. 1644 Danos, qui prope Gothoburgum irruptionem fecerant, fortiter profligavit. An. 1646 primus Academiae Aboensis, ante sexennium a se constituta, Cancellarius eligitur. An. 1648 iterum Generalis Gubernator Finlandiae & Ostrobotniae, sed An. 1650 domum revocatus, in solemnibus coronationis actu Reginae CHRISTINAE coronam, una cum Archi-Episcopo D. D.

D. D. JOHANNE LENÆO, imposuit: quo etiam officio in coronatione Regis CAROLI GUSTAVI & hujus Conjugis Reginae HEDEVIGIS ELEONORÆ an. 1654 functus fuit. An. 1657 Generalis Campi Mareſchallus totius exercitus Svecani creatus, & an. 1660 tutor Principis CAROLI XI fuit electus. Obiit an. 1680 die 12 Septembr. in prædio Bogesfund, magnumque sui desiderium apud bonos reliquit. Duas habuit Conjuges, 1:mo CHRISTINAM CATHARINAM STENBOCK, quæ Aboæ decessit die 14 Junii 1650 & 2:do BEATAM DE LA GARDIE, quæ an. 1680 d. 26 Octobr. vitam cum morte commutavit (a).

(a) Vid. Biographias Comitiorum Regni Mareſchalorum a Nob. STJERNMANNŌ conſcriptas & ab Ampl. GÖRVELL Bibliothecæ Svio-Goth. insertas, Part. III. p. 6.

**II:º BENEDICTUS OXENSTJERNA**, Comes de Korsholm & Vasa, L. Baro in Mörby & Lindholmen, Dominus in Kapuria, Kattila & Rosersberg, natus in prædio avito Mörby d. 16 Julii an. 1623, Patre Senatore Regni & Thalasſiarcho GABRIELE OXENSTJERNA & Matre ANNA BANER. Patrem, qui Generalis Gubernator Finlandiæ factus erat, an 1630 Aboam comitatus, anno ætatis suæ octavo orationem Latinam in Gymnasio Aboensi habuit. An. 1643 Rector illustris Academiae Upsaliensis eligitur, Musisque his anno sequente valedicens, præcipuas Europæ partes peragravit. Post trium annorum absentiam in Patriam revertitur, cumque Reginae CHRISTINÆ apparuisset, Hæc ipsi obtulit munus Supremi Cubicularii, quam tamen spartam modeste recusavit, supplex vicissim rogans, ut negotiationibus Legatorum, Svecicorum, qui

A 3

ad

ad pacem Westphalicam missi erant, interesse sibi liceret; cui tam æquæ petitioni haud difficulter annuit Regina Serenissima. An. 1650 constituitur Plenipotentiarius Exsecutor Tractatus, qui Norimbergæ peragebatur. An. 1651 ad Electorem Moguntinum JOHANNEM PHILIPPUM, ut Legatus, & paullo post ut Legatus Plenipotentiarius, ad Conventum Ordinum Germanicorum, Francofurti ad Mœnum habendum, fuit missus, prudentia & fortuna ipsam ubique comitantibus. An. 1652 ut Legatus Extraordinarius ad Imperatorem FERDINANDUM III, Pragæ tunc temporis commorantem, proficiscitur, ut investituram Provinciarum, imperio Svethico nuper subjectarum, solemniter acciperet. An. 1653 Præses Tribunalis Wismariensis, Regio jussu a se constituti, factus est. An. 1654 in Ordinem Regni Senatorum cooptatus & simul Cancellariæ Consiliarius nuncupatus fuit. An. 1655 nomine Regis sui fœdus iniit cum Electore Branden-gico, de continuando bello contra Polonos. Deinde Generalis Gubernator Massuviensis primum & postea Præfecturæ Culmensis constituitur. An. 1660 Legatus Svethiæ extraordinarius Pacem Olivensem pepigit. Post obitum Regis CAROLI GUSTAVI, Generalis Gubernator Livoniæ & simul Legatus per Germaniam constituitur, ipsique in Corollarii vicem injungitur, ut Tribunali Wismariensi præset, quibus in muneribus a Rege CAROLO XI, dum hic ad gubernacula Regni Svethici pervenit, fuit confirmatus. An. 1674 ad Imperatorem LEOPOLDUM & an. 1676 ad Pacem Noviomagensem per quadriennium Legatus Extraordinarius. An. 1680 Præses Cancellariæ Regiæ & paullo post Cancellarius Academiae Aboënsis. An. 1686 Cancellarius Academiae Upsaliensis, & denique an. 1697 Tutor ac Moderator Principis Successoris CAROLI XII constituitur. Duxit in matrimonium 1:0 EVAM JULIANAM WACHTMEISTER

STER & 2:0 AGNETAM MARGARETAM VON HELMSTEDT. Obiit an. 1702 die 12 Julii Holmiæ, Upsaliæ sepultus, ubi in apposito Epitaphio: Quatuor Regum Minister, Trium Senator, Duorum primarius rerum Præses jure laudatur (b).

(b) Vid. Nob. STJERNMANNI additamenta ad Historiam Episcopi PETRI ANDREÆ NIGRI p. 102, nec non Cel. GJÖRVELL Biblioth. Svio-Goth. Part. II. p. m. 189.

### III:0 GUSTAVUS ADOLPHUS DE LA GARDIE,

Comes in Leckö & Arensberg, L. Baro in Ekholmen, Dominus in Højentorp, Hapsal, Helmet, Magnusberg, Kägelholm, Mariadahl, Vännegarn &c. Narus Holmiæ die 10 Decembr. 1647, Patre Senatore Regni & Drotzeto &c. D:ino MAGNO GABRIELE DE LA GARDIE & Matre Principe MARIA EUPHROSYNA, Comitissa Palatina ad Rhenum in Bavaria. An. 1658 Musas salutavit Upsalientes, quas suo studio sic sibi devinxit, ut an. 1665 Rector illustris Academiae fuerit electus. Fascibus Consularibus depositis, per triennium prolixam peregrinationem per præcipuas Europæ terras suscepit, ex qua domum reversus, a Rege CAROLO XI Supremus Ejusdem Cubicularius an. 1670 constituitur. Mox ut Legatus mittitur primum ad Angliam, tum in Galliam & hinc Ratisbonam, ibique ad an. 1673 permansit, ubique autem multa negotia in commodum Patriæ suæ peregit. Ut in Sverhiam rediit an. 1673, Tribunus Legionis Prætorianæ (*Lif-Regementet*) constituitur & die 4 Octobris nuptias celebravit cum Generosissima Virgine ELISABETHA OXENSTJERNA, Senatoris & Regni Cancellarii, ERICI OXENSTJERNA, filia,

filia, atque a REGE Augustissimo, qui huic Solemnitati interfuit, ipso nuptiali die in numerum Senatorum Regiorum cooptatus, addito Consiliarii munere in Cancellaria Regia. An. 1681 Legifer Westro-Gothicæ & Daliæ, atque an. 1682 Præses Regii Dicasterii Holmensis fuit constitutus. An. 1687 Academiæ Aboënsis Cancellarius est electus. De cetero sapius in Germaniam fuit missus, ut judicia in provinciis, Imperio Svecico subjectis, constitueret, & conditionem horum civium meliorem redderet; quorum negotiorum mole magis, quam senio confectus, die 5 Martii 1695 ad caelestia migravit otia (c).

(c) Vid. Concionem Funebrem in obitum Illustrissimi Senatoris &c. G. A. DE LA GARDIE a D. VULTEJO habitam.

#### IV:º LAURENTIUS WALLENSTEDT,

natus Upsaliæ an. 1631, Patre tunc temporis Theologiæ Professore Upsaliensi & postea Episcopo Strängnæsensi D. D. LAURENTIO OLAVI WALLIO & Matre CHRISTINA JOHANNIS Filia LUTH. Postquam ad dictam modo Musarum sedem solida eruditionis posuisset fundamenta, Holmiam se contulit & sub Imperio Regis CAROLI GUSTAVI Cancellariæ Regiæ adscriptus, paullo post cum Legato Svecico in Galliam fuit missus, Secretarii munere fungens. Hinc domum reversus Generalis Sætrapiæ (*General Gouvernementet*) in Ingria Secretarius fuit constitutus, post hæc successively Secretarius Regius, tum Cancellariæ Consiliarius & denique Secretarius Status est creatus, in quo munere die 23 Septembr. An. 1668 in Ordinem Nobilium cooptari meruit, & qui hucusque WALLIUS, nunc

nunc WALLENSTEDT fuit nuncupatus, quam etiam dignitatem ante octodecim annos obtinuerat Frater ejus major natus, OLAVUS WALLENSTEDT. An. 1689 d. 14 Martii Liber Baro & simul Gubernator Provinciæ Arofsiensis, an. 1693 d. 7 Junii Senator Regius & infimul Præses Regii Dicasterii Høhmønsis constitutus, ejusdem anni die 17 Junii Comitivam obtinuit dignitatem. Dehinc an. 1695 Academiæ Aboënsis Cancellarius & an. 1697 Tutor Principis Successoris CAROLI XII fuit electus. Duxit in matrimonium MARIAM UTTERMARK, Satrapæ DANIELIS BENEDICTI UTTERMARK, Domini in Hvilestad, Løfhambra & Løfsta Filiam natu majorem, quæ obiit 1679, ipse autem decessit die 16 Novembr. 1703 (d).

(d) Vid. Nobil. STJERNMANNI *Höfdinga Minne* p. 135 & Ejusdem *Matrikel öfver Svea Rikes Adel och Ridderkap*, Tom. I. p. 32 & 33.

## V:0 GABRIEL FALKENBERG,

Dominus in Kitiempå, Sandemar & Onswiholm, natus die 5 Junii 1645, Patre tunc Satrapa ditionum Calmariensis & Oelandensis, postea autem Senatore Regni & Camerae Consiliario, D:no CONRADO HENRICI FALKENBERG & Matre CATHARINA BONDE. Postquam in studiis literarum tantum, quantum voluit & conditio ejus postulavit, profecisset, ad Aulam sese contulit, in qua Regi opera sua adeo placuit, ut Cubicularius Regius factus fuerit. Dehinc an. 1678 die 22 Augusti Gubernator Sudermanniæ, an. 1687 die 24 Decembris Liber Baro, an. 1693 die 7 Junii in ipsam honores quasi cumulati fuerunt; nam uno eodemque die Senator Regius & Præses Dicasterii Aboënsis, nec non Comitiva

B

digni-

dignitate factus est Illustrissimus. An. 1703 die 5 Decembr. Præsès Regii Dicafterii Holmenfis & an. 1705 Academiae Aboënfis Cancellarius. Cælebs decessit an. 1714 die 30 Maji, & cum ipso proinde familia Comitiva FALKENBERGIANA & orta & paullo post exstincta fuit. In Titulo præter enumerationem munerum, sese nuncupavit Comitem de Sandemar, L. Baronem de Onswiholm &c. Dominum in Söderby & Ogestad (e).

(e) Vid. imprimis STJERNMANNI *Höfdinga-minne* p. 118 & Ejusdem Matricul. modo citat. Tom. I. pag. 31 & 32.

**VI:º CAROLUS GYLLENSTJERNA**, Comes de Steninge, Liber Baro in Limmared, Dominus in Bjelkestad, Aljö & Örnås &c. natus die 4 Februarii 1649, Patre Senatore Regni & Regii Dicafterii Aboënfis Præsede L. Barone ERICO CAROLI GYLLENSTJERNA, Domino de Uhlaborgo & Matre BEATA YKKULL. Postquam Academiam Upsaliensem frequentasset, Juvenis admodum ad aulam sese contulit, ibique jam an. 1668 Cubicularius Reginae Viduæ HEDEVIGIS ELEONORÆ factus in illa provincia sic sese gessit, ut an. 1670 Supremus ejusdem Reginae Cubicularius & an. 1672 Supremus Stabuli Regii Præsès fuerit constitutus. Dehinc an. 1680 Supremus Aulae Reginae Marschallus, nec non Gubernator Apanagii & Paroeciarum Reginae in sustentationem concessarum fuit electus. An. 1687 die 20 Maji Senator Regius & Collegii, quod a Camera nomen habet, Consiliarius, & ejusdem anni die 10 Decembr. in Ordinem Comitum Regni factus cooptatus. An. 1697 Præsès Collegii Camerae Revisionis factus, toto hocce tempore simul præfuit Satrapiae

Satrapiae modo dictae usque ad an. 1719. An. 1718 d. 30 Decembr. Praeses Regii Dicalterii Holmenfis & an. 1719 Academiae Aboensis Cancellarius fuit constitutus. An. 1706 duxit in matrimonium ANNAM MARIAM SOOP, ex qua tamen nullos suscepit liberos; adeoque familia illa Comitiva GYLLENSTJERNIANA, quae cum Cancellario nostro incepit, in obitu ejusdem, qui in 6 Junii 1723 incidit, extincta est (f).

(f) Vid. Nobil. STJERNMANNI *Höfdinga-minne* p. 144 & 145, nec non Ejusd. Matricul. modo cit. p. 29; & ERICI TOLLSTADII Concion. Funebrem in Senatorem Regni D: num Comitem CAROLUM GYLLENSTJERNA.

## VII:º ADAMUS BERNHARDUS HORN,

Comes in Ekbyholm, L. Baro in Fogelwik, Dominus in Wittwik, Sjernó, Sjernberg, Curamsnäs, Hellero, Adón, Osterby, Adamsberg, Mörby, Gillberga & UGGLEWIK, natus in Finlandia die 6 April. an. 1664, Patre Tribuno Legionis pedestris Ostrobotnicæ, Dn. GUSTAVO HORN, Domino in Wuoruntaka & Liesniemi atque Matre ANNA HELENA von GERDTEN. Hic ab infimis in exercitu gradibus ad Supremos in Republica honores ascendit. An. 1682 miles; an. 1683 Ductor manipulorum; an. 1685 Signifer ad Legionem Ostrobotnicam. Hinc ad exterarum sese contulit regiones, & an. 1687 in praelio ad Mohats in Hungaria adeo fortiter sese gessit, ut Rex CAROLUS XI inde permotus ipsam an. 1688 Sub-Centurionem Legionis Satellitiæ (*Lif-Gardiet*) constituerit. Paulo post exercitui Imperatoris valedicens, apud Belgas ab an. 1690 ad an. 1695 Centurionis munere functus

tus fuit, quo temporis intervallo non solum præliis ad  
 Léusium & Landavium, sed etiam obsidionibus urbium  
 Hui & Namurci interfuit; ubique autem egregiis faci-  
 noribus ita inclaruit, ut an. 1693 Centurio Legionis mo-  
 do nominatæ sit constitutus & an. 1696 Capitanei locum  
 Tenens inter Satellites Regis creatus. An. 1700 non  
 solum Generalis Major Equitum, sed & paullo post Li-  
 ber Baro fuit renunciatus. Post hæc partim in irruptio-  
 ne Svecorum in Selandiam, partim in præliis Narvensi  
 an. 1700 & Clissoviensi an. 1702 illius probata est for-  
 titudo. An. 1704 Generalis locum Tenens constitutus  
 a Rege CAROLO XII, ut Legatus Extraordinarius, ad  
 Ordines Regni Polonici Warsoviæ congregatos fuit mis-  
 sus, suæque prudentia electionem Regis STANISLAVI  
 promovit, quo facto, jussus est apud novum Regem a-  
 liquantum commorari, donec interni motus saltem ali-  
 quantum essent compositi, Tractatum Pacis Olivensis  
 interea renovaturus. Mox autem supervenit Rex AU-  
 GUSTUS, Exercitu 20000 militum stipatus & Warso-  
 viam arctissima cingit obsidione, quam dum HORNIUS  
 cum 480 militibus Svecanis contra tantum exercitum &  
 infidos oppidanos diu defendere non potuit, se tandem  
 dedere coactus fuit, sed mox cum Duce Saxonico LU-  
 DOVICO NICOLAO von ALLART permutatus. An. 1705  
 Regis Regnique Svehici Senator & simul Cancellariæ Regiæ  
 Consiliarius an. 1706 Comitivam dignitatem primus in  
 suam Familiam intulit. An. 1710 Cancellariæ Regiæ Præ-  
 ses & an. 1718 Cancellarius Academiæ Upsaliensis eligitur,  
 sed tam Cancellariatum Regni, quam cetera mune-  
 ra gravissimis de causis 1719 deposuit. An. 1720 Or-  
 dinis Equestris ORATOR & Comitiorum Marechallus fuit  
 nuncupatus, quo tempore tot benevolentia ab Ordini-  
 bus Regni sibi præstita documentis est permotus, ut  
 spartam Senatoriam in se derivari passus fuerit. An.

1723 Cancellarius Academiæ Aboënsis, quo munere an. 1735 sese abdicavit. An. 1728 Præsès Societatis Regiæ Litterarum & Scientiarum Upsaliensis. Annis 1720, 1726 & 1731 Comitiorum Regni Mareschallus. Tres habuit Conjuges, 1:o ANNAM BEATAM EHRENSTEN † 1703; 2:o INGAM TÖRNFLYCHT † 1708; 3:o MARGARETAM GYLLENSTJERNA † 1740. Ipse obiit die 18 Aprilis 1742 (g).

(g) Vid. Biographias Comit. Mareschallorum supra memoratas, Part. VI. p. nr. 173 & seq. nec non STJERNMANNI additamenta ad Historiam Petri Swarts p. 104 & seq.

## VIII:o ERNESTUS JOHANNES CREUTZ,

L. Baro & Dominus in Christina-hölm, Helgö & Gustavsberg; natus Aboæ die 12 Febr. 1675, Patre Senatore Regni & Regii Dicafterii Aboënsis Præsidi D:no ERNESTO JOHANNNE CREUTZ, L. Barone in Cassaritz, Domino in Malma, Sjundeby & Tammerfors, atque Matre MARIA SILFVERHJELM. Sicut in Musarum quasi gremio natus fuit, ita a teneris earum complexibus nonnisi difficulter separari potuit: sed plerasque Patriæ Academiæ, usque ad An. 1700 frequentavit; quo ampla Eruditionis suppellectili instructus ad Aulam sese contulit & a Regina Vidua HEDEVIGE ELEONORA Vice Cubicularius (*Hof-Junkare*) constitutus, An. 1705 Ejusdem Cubicularius factus est. In hoc gradu diu substituit, siquidem demum an. 1718 die 18 Julii Legifer & Prætor (*Ordningssmår*) ditionis Lincopiensis fit creatus. An. 1719 die 11 Maji Satrapa Hallandiæ, & an. 1721 die 9 Januar. hanc provinciam cum Satrapia Ostro-Gothica permutavit. Jam desideratum portum

tum tetigisse sibi videbatur; sed an. 1707. die 3 Augusti ab Ordinibus Regni electus & a REGE Augustissimo designatus fuit Senator Regni, cui spartæ quidem modeste renuntiavit; sed tamen ne gratia Regis & Ordinum Regni benevolentia præventus sibi deesset, oblatam purpuream dignitatem in se derivari passus fuit. An. 1731 d. 14. Junii Comitiva dignitate fuit ornatus, & an. 1735 Academia Aboënsis Cancellarius constitutus. An. 1711 die 16 Maji thalami Sociam obtinuit EBBAM MARGARETAM BANER, ex qua vero nullos suscepit liberos, quæ ipsa an. 1736 decessit. An. 1739 gravissimis motus causis vacationem omnium munerum impetravit; a quo tempore in prædio Christinaholm privatus vixit, usque ad 3 April. 1742, quo ex hac migravit vita, sepultus Nycopiæ in Templo omnium sanctorum, adeoque cum ipso Comitiva familia CREUTZIANA, quæ cum eo inceperat, simul defecit (b).

---

(b) Vid. Nob. STJERNMANNI *Höfdinga-minne* p. 238 & 239, nec non Rev. Episcopi SERENII Concionem Funebrem in Illustr. Senatorem E. J. CREUTZ.

